



SIUMUT
INATSISARTUT

UKA 2017/135

19. oktober

Kalaallit nunatta pigisaanik aningaaserivimmik pilersitsinerup iluaqtissartai aamma aporfissarisinnaasaasa misissorneqarnissaannik, ilanngullugu pilersitsinerup suut piumasaqaatitarisinnagai, soorlu aningaasartuutissat aammalu sulisussat pillugit Naalakkersuisut peqquneqassasut inatsisartut aalajangiiffigisassaattut siunnersuut.

(Inatsisartunut ilaasortaq, Anthon Frederiksen, Partii naleraq)

Siumumiit imatut oqaaseqarfigissavarput.

Maanna siunnersuutikkut saqqummiunneqartukkut nunatsinni pigineqartumik aningaaseriveqalersinnaaneq anguniarlugu aporfiusinnaasunik pitsaaqutaasunillu qulaajaasoqarnissaanik siunertaqartumik siunnersuuteqartoqarpoq manna siunnersuut nunatta aningaasaqarnikkut imminut napatilernissaanut piareersarnerit ilaattut isigalugu Siumumiit tikilluaqqulluarparput.

Taamaattumillu Naalakkersuisut aalajangiisoqarsinnaanissaanut tungavissanik misissueqqullugit peqquneqarnissaanik siunnersuut taperserparput.

Siumumiit isumaqarpugut taamatut misissuinissamut ilanngulluni nunatsinni nammineq nunap iluani aningaasaqalersinnaaneq ilanngulluni misissorneqassasoq, soorunami aningaaserivinnik atuisut qanoq aamma sorlernik atuinissaat piumasaqaatigisinnaanngikkippat ilisimavarput aningaaseriviillu ileqqaakkatigut erniarititaa aammalu periarfissarititaaq inuit namminneq toqqassagaat periarfissaatinneqassaaq soorlu tamanna ullumikkut atuutereersoq.

Nunatta nammineq aningaaseriveqalersinnaanera nunatta imminut napatittumik aningaasaqarnikkut ingerlatsilernissaanut iluaqtissanngortittariaqarpoq, aammalu aningaasat nunatsinniit annissuunneqaannaratik nunatsinni kaaviiartinneqartartut amerlanerulernissaanut iluaqtissanngortittariaqarluni, minnerunngitsumik naalagaaffeqatigiiffitta aamma iluani aningaasat ingerlaartarnerat eqqarsaatigalugu.

Assersuutigutsigu Naalagaaffeqatigiiffitsinni ullumikkut 1 kr.-ip nalingata pisissutigisinnaanera eqqarsaatigalugu assigiinngissuteqareerpoq oqartarnerattut Naalagaaffimmi ataasiusumi sumi nunami najugaqarnerput aallaaviulluni.

Allaammi Naalagaaffiup tapiissutai qiviarutsigit kisitsisitigut 3,7 mia. kr.-ugaluartut nunatsinnut nakkartinneqaraangamik 2015-imi takussutissiat malillugit 50 mio. Kr. missaani nalikinnerulersarsimapput, nunatsinni aningaasat naleerukkiartornerat Danmarkimut sanilliulluni 2009-miit maannamut agguaqatigiissillugu sukkanerummat, kisianni ukiut ilaanni illuatungaanut aamma pitsaanerusarluni.

Qulaani taasakka assersuutaapput, qularinngilarput manna siunnersuut aqqutigalugu qulaajagassat qulaajarneqareerpata oqallisissaqarumaarpugut.

Misissuinissamillu Naalakkersuisut peqquneqarnissaannik siunnersuut, Siumumiit taperserparput.

Jens Immanuelson
Siumut